

# Serbski institut Sorbisches Institut

## PŠIPOWĚZENJE

Zmakanje seši młodych akademikarjow-sorabistow

14.-16. junija 2019, Budyšin

Serbski institut pšepšosujo južo drugi raz wědomnostny dorost na zmakanje do Budyšina. W srjejišću stejtej interdisciplinarnu wuměna a nawězowanje kontaktow mjazy slěžarjami, kótarež se zaběraju (abo kšě to gótowaš) ze Serbami glědajucy na region abo temu.

Zmakanje jo lětosu z dwěma želoma planowane:

14. junija wótmějo se dokónceca konferenca slěžarskego projekta "Serbska wěda". Dorostowa slěžarska kupka, kótaraž jo Drježdžańskej Techniskej uniwersiće pširědowana a kótaraž kooperěrujo ze Serbskim institutom, bužo swóje slěžarske wuslědky a w tom zwisku wuwity internetny portal prezentěrowaš. Wobžělenje jo wuraznje witane!

Slědujucej dnja pón dajotej wobžělnicam a wobžělnikam góžbu, swójske slěženja pšedstajaš a diskutěrowaš. Fachowe pšinoski (na pšikład rěcywědne, kulturowědomnostne abo stawizniske) se rowno tak witaju, ako transdisciplinarne projekty z pširownujuceje mjeńšynowědy abo z wobcerka digital humanities. Chož co swój projekt prezentěrowaš (bachelorske, masterske, magisterske, doktorske žělo abo post-doc-projekt), daš pšosym skóro zapódajo projektowu skicu (nejwušej jaden bok A4) gromaže z krotkim žywjensjoběgom (inkl. fachowego směra, městnosći statkowanja a aktualnych šěžyšćow žěla).

Na zmakanju comy mimo togo na bazy pšedstajonych slěženjow reflektěrowaš (sebję)rozoměse sorabistiskeje seši z perspektiwy dorosta. Dej se rozmyslowaš wó wuměnjach a perspektiwach interdisciplinarněje kooperacije. Witamy naraženja za temy diskusijnych gromadow.

Na zmakanju bužo se powědaš górno- a dolnoserbški, nimski a engelski.

### Kosty:

Wobžělenje na kónčneju konferency slěžarskego projekta "Serbska wěda" jo mimo płašenja. Pšinosk za wobžělenje na dalšnyma dnjoma wunjaso 10 eurow na wósobu. Někotare městna za dermatne pšenocowanje stoje k dispoziciji. Jězdne kosty njamógu se narownaš.

### Kontakt a pšizjawjenje

Zajmce daš se pšizjawiju nejpózdžej do 31. měrca 2019 z mejlku pla dr. Theresy Jacobsoweje pód [theresa.jacobsowa@serbski-institut.de](mailto:theresa.jacobsowa@serbski-institut.de).

**Hłowne sydło** · Hauptsitz  
Dwórnišćowa 6 · Bahnhofstraße 6  
D-02625 Budyšin · Bautzen  
T +49 3591 4972-0  
F +49 3591 4972-14  
[si@serbski-institut.de](mailto:si@serbski-institut.de)  
[www.serbski-institut.de](http://www.serbski-institut.de)

**Wótnožka za dolnoserbiske slěženja**  
Zweigstelle für niedersorbische Forschungen  
Droga Augusta Bebel 82  
August-Bebel-Straße 82  
D-03046 Chóšebuz · Cottbus  
T +49 355 48576-482  
F +49 355 48576-494  
[cottbus@serbski-institut.de](mailto:cottbus@serbski-institut.de)



**Serbski Sorbisches  
institut Institut**